

لا اله الا الله محمد رسول الله

হযরত মুহাম্মদ (সাঃ)-এর ভবিষ্যদ্বাণী  
অনুযায়ী

ইমাম মাহ্‌দী (আঃ) কোথায় ?



প্রকাশনা :

বাংলাদেশ অজুর্মাণে আহুঁদীয়া

৪, বকশী বাজার রোড,

ঢাকা-১২১১

প্রকাশক : (প্রাচ) মাদার্স উচ্চ  
বিদ্যালয়

১ মাদার্স (প্রাচ) বিদ্যালয়

মার্চ ১৯৮৯ ইং

পাঁচ হাজার কপি

মুদ্রণ : আহুঁদীয়া আর্ট প্রেস

৪, বকশী বাজার রোড,

ঢাকা।

عَلَيْهِ وَسَلَّمَ عَلَى رَسُولِ الْكَرِيمِ

بِسْمِ اللَّهِ الرَّحْمَنِ الرَّحِيمِ

হযরত মুহাম্মদ মুস্তাফা ( সাঃ )-এর  
ভবিষ্যদ্বাণী অনুযায়ী  
ইমাম মাহদী ( আঃ ) কোথায় ?

আল্লাহুতা'লার নিকট হইতে সংবাদ প্রাপ্ত হইয়া হযরত মুহাম্মদ সাল্লাল্লাহু আলায়হে ওয়া সাল্লাম হিজরী চতুর্দশ শতাব্দীর প্রারম্ভে বিভ্রান্ত ও অধঃপতিত জগদ্বাসীকে সুপথে আনিয়া ইসলামের সুশীতল ছায়াতলে একত্রিত করিবার জন্য হযরত ইমাম মাহ্দী ( আঃ )-এর আবির্ভাব সম্পর্কে বিস্তারিত ভবিষ্যদ্বাণী করিয়া গিয়াছিলেন। উহার আলোকে সমগ্র মুসলিম উম্মতের সম্মিলিত দৃষ্টি হযরত ইমাম মাহ্দী ( আঃ )-এর আবির্ভাবের জন্য হিজরী চতুর্দশ শতাব্দীর প্রথম ভাগের প্রতি নিবদ্ধ ছিল। বহু শাহু, সুফী, মোহাদ্দেস, ওলী ও আলেম তাহার আগমন, লক্ষণাবলী ও কার্য সম্পর্কে স্পষ্ট বক্তব্য রাখিয়া গিয়াছেন। তদনুযায়ী হিজরী চতুর্দশ শতাব্দীর প্রথম ভাগে সুফী আলেমগণ তাহার আগমন সম্পর্কে অত্যন্ত সোচ্চার এবং জনগণ অত্যন্ত অধীর আগ্রহে প্রতীক্ষমান ছিলেন।

## ভবিষ্যদ্বাণীর পূর্ণতা :

আল্লাহুতা'লা কখনও তাঁহার ওয়াদা ভঙ্গ করেন না। তিনি যথাসময়ে হিজরী চতুর্দশ শতাব্দীর ৬ষ্ঠ বর্ষে তাঁহার প্রতিশ্রুতি পূর্ণ করিয়া হযরত মির্যা গোলাম আহমদ ( আঃ )-কে ইমাম মাহুদী রূপে কাদিয়ানে আবির্ভূত করিলেন। তিনি আল্লাহু-তা'লার আদেশে তাঁহার দাবী জগদ্বাসীকে জানাইলেন এবং তাঁহাকে গ্রহণ করিবার জন্ত আহ্বান করিলেন। তাঁহার সত্যতার নিদর্শন সহস্র ধারায় প্রকাশিত হইতে লাগিল এবং আজও উহার বিরাম নাই। তাঁহার ডাকে সাড়া দিয়া এক, দুই, দশ ও হাজার হাজার লোক ছুনিয়ার সকল প্রান্ত হইতে তাঁহাকে গ্রহণ করিতে লাগিল এবং এখন তাঁহার প্রতিষ্ঠিত আহমদীয়া জামা'তের লোক সংখ্যা বিশ্বের ১১৭টি দেশে প্রায় দুই কোটি। এই জামা'তের লক্ষ্য একটি। উহা হইল ইসলামের শিক্ষাকে পূর্ণাকারে আমল করিয়া উহাকে বিশ্বে প্রতিষ্ঠিত করা। কারণ ইসলামের মধ্যেই জগদ্বাসীর উদ্ধার নিধ'ারিত আছে। তদনুযায়ী ছুনিয়ার সর্বত্র আজ জামা'তে আহমদীয়া শক্তিশালী ও ক্রমবর্ধমান সংখ্যায় ইসলামের প্রচার কেন্দ্র, মসজিদ, স্কুল, কলেজ, ও হাসপাতাল ইত্যাদি স্থাপন এবং বিশ্বের বিভিন্ন ভাষায় কুরআন শরীফের তরজমা ও তফসীর প্রকাশ করিয়া চলিয়াছে। আল্লাহু-তা'লার সাহায্য ও নিত্য নুতন নিদর্শনে পুষ্ট এই জামা'ত সারা জগতে ইসলামের প্রেমের আলোক বিস্তার করিয়া চলিয়াছে এবং একান্তভাবে জগতের সকল জাতির দৃষ্টি সেদিকেই পড়িয়াছে।

## আলেম সম্প্রদায় :

মানবজাতির গ্লানি-যুগে যেমন নবী প্রেরণ করা আল্লাহু-তা'লার চিরন্তন নিয়ম তেমনি সমাগত নবীর বিরুদ্ধাচরণ করা এবং জনগণকে তাঁহার নিকট হইতে দূরে সরাইয়া রাখার প্রচেষ্টা সমসাময়িক আলেমগণের চিরন্তন অভ্যাস। হিজরী চতুর্দশ শতাব্দীতেও ইহার ব্যতিক্রম হয় নাই। এই উন্মত্তে আগত মুজাদ্দিদ, ইমাম ও ওলী-আল্লাহুগণের ঘোর বিরোধিতাও সমসাময়িক আলেমেরা করিয়া আসিতেছেন। যখন হযরত মির্যা সাহেব ইমাম মাহুদী ( আঃ ) হইবার দাবী করিলেন, তখন আলেমগণ তাঁহার সত্যতা অনুসন্ধানের পরিবর্তে সর্বাঙ্গকভাবে তাঁহার বিরুদ্ধাচরণে লাগিয়া গেলেন এবং জনগণকে তাঁহার নিকট হইতে সরাইয়া রাখিবার জন্য একদিকে তাঁহার বিরুদ্ধে মিথ্যা অপপ্রচার এবং অপরদিকে এখনও সময় হয় নাই এবং হিজরী চতুর্দশ শতাব্দীর বিশ, ত্রিশ, চল্লিশ, পঞ্চাশ, ষাট, সত্তর আশি-নব্বই সনে এবং অবশেষে শেষ দিন পর্যন্ত ইমাম মাহুদীর আবির্ভাবের আশ্বাস দিয়া রাখিলেন। কিন্তু আল্লাহুতা'লার পক্ষ হইতে হযরত মির্যা সাহেব ( আঃ ) ব্যতিরেকে আর কেহ আসিলেন না। আলেমগণ এখন জনগণের নিকট এবং খোদার নিকট কি জবাব দিবেন ? মির্যা সাহেব ইমাম মাহুদী ( আঃ ) না হইলে অন্য কাহাকেও চিহ্নিত করিয়া তাঁহাকে গ্রহণ করা ও জনগণকে দেখাইয়া দেওয়া কি তাহাদের নৈতিক এবং ধর্মীয় কর্তব্য ও দায়িত্ব নহে ? বড়ই বিচিত্র ব্যাপার আলেমগণের।

আল্লাহর কোন প্রেরিত পুরুষের আগমনের পূর্বে তাহারা তাহার সংবাদ দানে সর্বাধিক সোচ্চার থাকেন এবং তাহার আগমনে, তাহাকে মিথ্যাবাদী সাব্যস্ত করিতে এবং জনগণকে তাহার আগমনে বিলম্ব থাকার দোহাই দিয়া তাহার নিকট হইতে সরাইয়া রাখিতে গুরুতর চেষ্টারত থাকেন। অতঃপর যেমন তাহার আগমনের সময় ফুরাইয়া আসিতে থাকে তখন আদৌ কাহারও আগমন সম্পর্কে তাহাদের আওয়াজ দুর্বল হইয়া আসিতে থাকে এবং পরিশেষে তাহাদের কণ্ঠ এমনভাবে রুদ্ধ হইয়া যায় যে, যেন তাহারা কাহারও আগমনের কোন কথা কখনও জানিতেন না এবং সেই সম্বন্ধে কখনও কিছু বলেন নাই। হিজরী চতুর্দশ শতাব্দীর অবসানে কি আমরা এই দৃশ্য দেখিতেছি না ?

### জনগণের কর্তব্য :

জনগণের এখন কি কর্তব্য ? কেহ কাহার কবরেও জবাব দিবে না। মরণে কোন আলিম কাহারও সাহায্যে আসিবে না। প্রত্যেকের নিজের ঈমান ও নিজের আমল সঙ্গে যাইবে। সুতরাং প্রত্যেক মুসলমানের এখন সর্ব প্রকার কুসংস্কার ও সমালোচনার প্রভাব হইতে মুক্ত হইয়া খোলা মনে হযরত মির্যা গোলাম আহমদ ( আঃ )-এর দাবী যাচাই করিয়া তাহাকে অচিরে গ্রহণ করা কর্তব্য। তিনি হযরত মুহাম্মদ ( সাঃ )-এর প্রেমিক ও দাস—প্রতিশ্রুত ইমাম মাহুদী ( আঃ )।

## ইলাহি তকদীর :

বর্তমান যুগে যে দুর্বোধ্য জগতের উপর বিশেষ করিয়া মুসল-  
মান জাতির উপর নামিয়া আসিয়াছে উহার হাত হইতে উদ্ধার  
পাইবার জন্য একমাত্র খাটি ইসলামের শিক্ষা গ্রহণ ও পালনের  
প্রয়োজন। ইসলামের দুইটি বুনিনাদী শিক্ষা :—( ১ ) আল্লাহ-  
তা'লার সহিত দৃঢ় সম্বন্ধ এবং ( ২ ) মুসলমানগণের মধ্যে  
অবিচ্ছেদ্য ভ্রাতৃত্ব-বন্ধন। আহমদীয়া জামা'ত ব্যতিরেকে আর  
কোথাও এই দুইয়ের নাম-গন্ধ পাওয়া যাইবে না। এই দুই  
শিক্ষার ভিত্তি-মূলে মুসলমান জাতি জগতে অতীতে অপূর্ব  
উন্নতি ও কীর্তি স্থাপন করিয়াছিল এবং তাহাদের মধ্যে এই দুইয়ের  
ক্রমঃ বিলীন ধারায় তিরোধানের সহিত মুসলমান জাতির অধঃপতন  
হইয়াছে। হযরত ইমাম মাহুদী ( আঃ ) এই দুই বুনিনাদী শিক্ষা  
'ইসলামী খেলাফত' পুনঃপ্রতিষ্ঠার দ্বারা উহাকে সুদৃঢ়রূপে আহ-  
মদীয়া জামা'তের মধ্যে প্রতিষ্ঠিত করিয়াছেন। এই জামা'তে যোগ  
দিয়াই সমগ্র মুসলিম জাতি আবার বিশ্বে উন্নতি এবং অভূতপূর্ব  
কীর্তি স্থাপন করিবে এবং ইসলামের বিশ্ব-বিজয় আনিবে। এই  
কার্য সাধনে কোন অঞ্চলের তেল বা কোন কল্লিত নেতা কিছুই  
করিতে পারিবে না এবং ইসলামের প্রতিশ্রুত সুনিশ্চিত বিজয়ের  
বিরুদ্ধে শক্তি এবং কোন মারণাস্ত্র কোন কাজে আসিবে না।  
হিংসা ও বিদ্বেষ অচিরে স্বাভাবিক মরণে মরিয়া যাইবে এবং  
ধরা-পৃষ্ঠ হইতে মুছিয়া যাইবে। ইসলামী সৌহার্দ্য ও বিশ্ব-

ব্রাতৃষ্ণের প্রেমের বাণী জয়যুক্ত হইবে। বিশ্ব-জগতের ললাটে ইলাহী-তকদীরের ইহা অকাট্য মহা-লিখন।

১৯৮৯ সনে ইসলামের বিশ্ব-বিজয় শতাব্দীর সম্বর্ধনা উৎসব :

হযরত ইমাম মাহুদী ( আঃ ) ১৮৮৯ খৃষ্টাব্দে তাঁহার দাবী ঘোষণা করেন এবং জগদ্বাসীকে ইসলাম গ্রহণের জন্য আহ্বান করিয়া তিনি ভবিষ্যদ্বাণী করেন যে, তাঁহার দাবীর একশত বর্ষ পরে ইসলামের বিশ্ব-বিজয় শতাব্দী আরম্ভ হইবে। তদনুযায়ী আহুদীয়া জামা'তের তৃতীয় খলীফা হযরত মির্যা নাসের আহমদ ( রাহঃ ) ১৯৭৩ খৃষ্টাব্দের ডিসেম্বর মাসে বিভিন্ন জাতির মধ্যে ইসলাম প্রচারের কাজ ত্বরান্বিত করার এক বিরাট কার্যকরী কর্মসূচী গ্রহণ করেন এবং ১৯৮৯ খৃষ্টাব্দে ইসলামের বিশ্ব-বিজয় শতাব্দীর সম্বর্ধনা-উৎসব পালনের সময় নির্ধারণ করেন। এই সংবাদ তিনি স্বয়ং ইউরোপ, আমেরিকা এবং আফ্রিকার বিভিন্ন কেন্দ্রে বার বার গিয়া ঘোষণা করিয়া আসিয়াছেন। যেই স্পেন দেশে মুসলমানগণ প্রায় ৮০০ বৎসর রাজত্ব করার পর সেখান হইতে প্রায় ৫০০ বৎসর পূর্বে খৃষ্টান শক্তি ইসলামকে এবং মুসলমানগণকে নিমূল করিয়া দিয়াছিল, সেই স্পেনের কডোঁভার অদূরে 'প্রেড্রোআবাদ' নামক স্থানে হিজরী চতুর্দশ শতাব্দীর শেষভাগে ৯ই অক্টোবর ১৯৭৯ইং জামা'তে আহুদীয়ার তৃতীয় খলীফা ৫০০ বৎসর পর ইসলামের পুনরুজ্জীবনের নিদর্শন স্বরূপ মসজিদে 'বাশারত' নামক প্রথম মসজিদে ভিত্তি স্থাপন করেন এবং সেখানে বাজামাত নামায পড়েন।



এখন স্পেনের স্থানীয় আহ্মদী মুসলমানের সংখ্যা শতাধিক। হিজরী চতুর্দশ শতাব্দীর কাল রাত্রি শেষে দিকচক্রবালে ইসলামের বিশ্ব-বিজয় শতাব্দীর ইহা এক গুরুত্বপূর্ণ শুভ্র প্রভাতী-রেখা।

**হিজরী পঞ্চদশ শতাব্দী :**

সকল জাতির নিকট হিজরী চতুর্দশ শতাব্দীতে এক মহাপুরুষের আগমনের ভবিষ্যদ্বাণী ছিল। তিনি প্রতিশ্রুত হযরত ইমাম মাহ্দী ( আঃ )। হিজরী পঞ্চদশ বা উহার পরবর্তী কোন শতাব্দীতে কোন জাতির নিকট কোন মহাপুরুষের আগমনের বা বিশেষ কোন কল্যাণের সংবাদ নাই। পঞ্চদশ শতাব্দীর এবং উহার পরবর্তী সময়ের সুসংবাদ হযরত ইমাম মাহ্দী ( আঃ ) দিয়া গিয়াছেন। তিনি বলিয়া গিয়াছেন, যে, হিজরী পঞ্চদশ শতাব্দীতে ইসলামের বিজয় আরম্ভ এবং পরবর্তী শতাব্দীতে সারা বিশ্বে ইসলাম একছত্রভাবে প্রতিষ্ঠিত হইবে এবং হযরত মুহাম্মদ ( সাঃ )-এর স্বর্গরাজ্য স্থাপিত হইবে। জগৎ হইতে দুঃখ, দৈন্য, নিরাশা ও অশান্তি দূরীভূত হইবে। পৃথিবী সুখ-শান্তি ও পবিত্রতায় ভরিয়া যাইবে। তদনুযায়ী হিজরী পঞ্চদশ শতাব্দীর প্রথম ভাগে ১২৮২ খ্রীষ্টাব্দে ইসলামের বিশ্ব-বিজয় শতকের সম্বন্ধনা উৎসবের আবেদন ও ঘোষণা সর্ব প্রথম একান্তভাবে আহ্মদীয়া জামা'তের পক্ষ হইতে হয় এবং উহার কার্যকরী কর্মসূচী গৃহীত হয়।

**হযরত ইমাম মাহ্দী ( আঃ ) ও ইসলামের বিশ্ব-বিজয় :**

হযরত ইমাম মাহ্দী ( আঃ )-এর আগমন এবং তাঁহার জামা'তের সহিত ইসলামের বিশ্ব-বিজয় সম্পূর্ণ ছিল। আহ্মদীয়া জামা'ত হযরত ইমাম মাহ্দী ( আঃ )-কে পাইয়াছে এবং মানিয়াছে।

তাঁহার জামাত এখন তাঁহার নির্দেশিত প্রেম ও শান্তিপূর্ণ পথে ইসলামের বিশ্ব-বিজয়কে ত্বরান্বিত করার কাজে ব্যস্ত। ইহার জন্য তাঁহারা ইসলামের আমল ও প্রচারে সর্বাঙ্গক প্রচেষ্টারত। আল্লাহু-তা'লার প্রতিশ্রুতি অনুযায়ী ১৯৮৯ খৃষ্টাব্দে ইসলামের বিশ্ব-বিজয় দিবাসমাগমে সূর্যালোকের ন্যায় উজ্জ্বল হইয়া উঠিবে। দুনিয়ার কোন শক্তি তখন ইসলামের দিকে রক্ত-চক্ষু মেলিতে পারিবে না। জগতের দৃষ্টি ইসলামের সম্মুখে নত হইয়া পড়িবে। তখন— ১৯৮৯ খৃষ্টাব্দে আহ্মদীয়া জামাত ইসলামের বিশ্ব-বিজয় শতাব্দীর-সম্বর্ধনা উৎসব করিবে।

বিভিন্ন দেশের মুসলিম ধর্ম-নেতাগণ চতুর্দশ শতাব্দী হিজরীর শেষ লগ্নে ইসলামের বিশ্ব-বিজয়ের জল্পনা-কল্পনা আরম্ভ করিয়া দেন এবং পঞ্চদশ শতাব্দী হিজরীর আগমনের সঙ্গে সঙ্গে ইসলামের বিজয় উৎসব আরম্ভ করিয়া দিয়াছেন। মুসলিম রাষ্ট্রগুলি আজ অসহায় এবং পরাশক্তিগুলির হস্তের ক্রীড়ণক এবং তাহাদের কুপার পাত্র। তাহাদের অস্তিত্ব আজ বিপন্ন। কত ভাল হইত যদি ধর্মীয় নেতাগণ বিজয় আনার কাজ সাধন করিয়া পরে উৎসব করিতেন। বড়ই কল্যাণকর হইত যদি তাঁহারা জনগণকে এখনও সঠিক পথ প্রদর্শন করিতেন। তাহাদের গভীর ভাবে চিন্তা করা প্রয়োজন, আল্লাহুতা'লা এই যুগে ইসলামের বিশ্ব-বিজয়ের ত্রিশী-অধিনায়ক কাঁহাকে করিয়াছেন? তিনি কে, কোথায় এবং তাঁহার বিজয়ের কার্যসূচী কি? তাহাদের অনুসন্ধান করা প্রয়োজন,

বিজয়ের সুসংবাদ কে দিল ? যে বিজয়-ধ্বনির প্রতিধ্বনি তাহাদের কণ্ঠে বাজিয়াছে উহার উৎস কোথায় ?

প্রকৃতির নিয়ম ইহাই যে, কোন তারে আঘাত হানিলে, সকল অনুরাগী তারে উহার প্রতিধ্বনি বাজিয়া উঠে। তেমনি যখন আল্লাহুতা'লার পক্ষ হইতে কোন মহাপুরুষের আগমন হয় তখন আকাশে বাতাসে তাহার বাণী অনুরণিত হয়। আজ সকল মুসলমানের কণ্ঠে ইসলামের বিজয়ের রব, আল্লাহুতা'লার প্রেরিত পুরুষ হযরত ইমাম মাহুদী (আঃ)-এর বাণীর স্বাভাবিক প্রতিধ্বনি।

**বিবেচনার বিষয় :**

নিশ্চয় আল্লাহুতা'লা, তাহার রসূল ( সাঃ ), মুসলিম উম্মতের বুয়ুর্গানে দীন এবং বিগতকালের উলেমাকুল সকলে সম্মিলিতভাবে মুসলিম জাহানকে হিজরী চতুর্দশ শতাব্দীতে হযরত ইমাম মাহুদী ( আঃ )-এর আগমন সম্বন্ধে স্তোকবাক্য দেন নাই। যদি প্রতিশ্রুতি অনুযায়ী কেহ না আসিয়া থাকেন, তাহা হইলে ইসলামের মহা বিজয়ের ধ্বনি কেন উঠিল ? কে তুলিল ? হযরত ইমাম মাহুদী ( আঃ )-এর দ্বারাই জগদ্ব্যাপী ইসলামের প্রতিষ্ঠা সাধিত হওয়া সৃষ্টির আদিকাল হইতে নির্ধারিত ছিল। তাহার আগমনের কাল হিজরী চতুর্দশ শতাব্দী পার হইয়া গিয়াছে। পঞ্চদশ শতাব্দীতে কাহারও আগমন সংবাদ নাই। বিজয়ের রব উঠিয়াছে। ঐশী-নেতা কোথায় ?

সুতরাং বিশ্বে সকল মুসলমান ভ্রাতা-ভগ্নীর খেদমতে বিনীত ও প্রেমপূর্ণ নিবেদন এই যে, আপনারা প্রত্যেকেই আল্লাহতা'লার প্রেরিত পুরুষ হযরত মির্যা গোলাম আহমদ ( আঃ )-কে গ্রহণ করুন। তিনি ব্যতীত আর কেহ ইমাম মাহদী নহেন। এখন তাহার খলীফার হস্তে বয়আত করিয়া তাহার প্রতিষ্ঠিত জামা'তের অন্তর্ভুক্ত হউন এবং বিশ্ব-বিজয় আনয়নের কল্যাণকর কাজে ব্রতী হউন। আগে বিজয়-যাত্রারন্ত, পরে বিজয়-সম্বধ'না উৎসব। ১৯৮৯ খৃষ্টাব্দ শুরু হইয়া গিয়াছে। এখন সত্যিকার ভাবে সমগ্র মুসলিম জাহান ইসলামের বিশ্ব-বিজয় শতাব্দীর সম্বধ'না উৎসব করিবে।

আল্লাহতা'লা বিশ্ব-মুসলিমকে তাহাদের প্রকৃত কল্যাণ ও মুক্তির পথ উপলব্ধি করিবার ও গ্রহণ করিবার তওফিক দিন এবং তাহাদের উপর অফুরন্ত আশিস বর্ষণ করুন। আমীন।

প্রকাশনায় : বাংলাদেশ আঞ্জুমান আহমদীয়া

৪, বকশী বাজার রোড, ঢাকা।

মুদ্রণে : আহমদীয়া আর্ট প্রেস।

## আহ্মদীয়া জামায়াতে বয়াত গ্রহণের শর্তাবলী

বয়াত গ্রহণকারী সর্বাস্তুরূপে অঙ্গীকার করিবে যে,—

- ১। এখন হইতে ভবিষ্যতে কবরে যাওয়া পর্যন্ত শির্ক (খোদাতা'লার অংশীবাদীতা) হইতে পবিত্র থাকিবে।
- ২। মিথ্যা, পরদারগমন, কামলোলুপ দৃষ্টি, প্রত্যেক পাপ ও অবাধ্যতা, যুলুম ও খেয়ানত, অশান্তি ও বিদ্রোহের সকল পথ হইতে দূরে থাকিবে। প্রবৃত্তির উত্তেজনা যত প্রবলই হউক না কেন উহার শিকারে পরিণত হইবে না।
- ৩। বিনা ব্যতিক্রমে খোদা ও রসুলের হুকুম অনুযায়ী পাঁচ ওয়াক্ত নামায পড়িবে, সাধ্যানুসারে তাহাজ্জুদের নামায পড়িবে, রসুলে করীম সাল্লাল্লাহু আলায়হে ওয়াসাল্লামের প্রতি দরুদ পড়িবে, প্রতাহ নিজের পাপ সমূহের ক্ষমার জন্য আল্লাহতা'লার নিকট প্রার্থনা করিবে ও ইস্তেগফার পড়িবে এবং ভক্তিপূত হৃদয়ে তাহার অপার অনুগ্রহ স্মরণ করিয়া তাহার হামদ ও তারিফ (প্রশংসা) করিবে।
- ৪। উত্তেজনার বশে অন্যায়রূপে, কথায় কাজে বা অন্য কোন উপায়ে আল্লাহর সৃষ্ট কোন জীবকে, বিশেষতঃ কোন মুসলমানকে কোন প্রকার কষ্ট দিবে না।
- ৫। সুখে-দুঃখে, কষ্টে-শান্তিতে, সম্পদে-বিপদে সকল অবস্থায় খোদাতা'লার সহিত বিশ্বস্ততা রক্ষা করিবে। সকল অবস্থায় তাহার প্রতি সন্তুষ্ট থাকিবে। তাহার পথে প্রত্যেক লাঞ্ছনা-গঞ্জনা ও দুঃখ-কষ্ট বরণ করিয়া লইতে প্রস্তুত থাকিবে এবং সকল অবস্থায় তাহার ফয়সালা মানিয়া লইবে। কোন বিপদ উপস্থিত হইলে পশ্চাদপদ হইবে না, বরং সম্মুখে অগ্রসর হইবে।
- ৬। সামাজিক কদাচার পরিহার করিবে। কুপ্রবৃত্তির অধীন হইবে না। কুরআনের অনুশাসন যোলআনা শিরোধার্য করিবে এবং প্রত্যেক কাজে আল্লাহ ও রাসুলে করীম সাল্লাল্লাহু আলায়হে ওয়াসাল্লামের আদেশকে জীবনের প্রতিক্ষেত্রে অনুসরণ করিয়া চলিবে।
- ৭। ঈর্ষা ও গর্ব সর্বতোভাবে পরিহার করিবে। দীনতা, বিনয়, শিষ্টাচার ও গাঞ্জীযের সহিত জীবন-যাপন করিবে।
- ৮। ধর্ম ও ধর্মের সম্মান করাকে এবং ইসলামের প্রতি আন্তরিকতাকে নিজ ধন-প্রাণ, মান-সম্ভব, সম্মান-সম্ভতি ও সকল প্রিয়জন হইতে প্রিয়তর জ্ঞান করিবে।
- ৯। আল্লাহতা'লার প্রীতি লাভের উদ্দেশ্যে তাহার সৃষ্ট-জীবের সেবায় যত্নবান থাকিবে এবং খোদার দেওয়া নিজ শক্তি ও সম্পদ যথাসাধ্য মানব কল্যাণে নিয়োজিত করিবে।
- ১০। আল্লাহর সন্তুষ্ট লাভের উদ্দেশ্যে ধর্মানুমোদিত সকল আদেশ পালন করিবার প্রতিজ্ঞায় এই অধমের (অর্থাৎ হযরত মসীহ মওউদ আলাইহিস্ সালামের) সহিত যে ভ্রাতৃত্ব-বন্ধনে আবদ্ধ হইল, জীবনের শেষ মুহূর্ত পর্যন্ত তাহাতে অটল থাকিবে। এই ভ্রাতৃত্ব-বন্ধন এত বেশী গভীর ও ঘনিষ্ঠ হইবে যে, দুনিয়ার কোন প্রকার আত্মীয় সম্পর্কের মধ্যে উহার তুলনা পাওয়া যাইবে না। (ইশতেহার তকমীলে তবলীগ, ১২ই জানুয়ারী, ১৮৮৯ ইং)

# আহমদীয়া জামায়াতের ধর্ম-বিশ্বাস

আহমদীয়া জামায়াতের প্রতিষ্ঠাতা হযরত ইমাম মাহ্দী মসীহ মওউদ (আঃ) তাঁহার “আইয়ামুস সুলেহ” পুস্তকে বলিতেছেন :

যে পাঁচটি স্তম্ভের উপর ইসলামের ভিত্তি স্থাপিত, উহাই আমার আকিদা বা ধর্ম-বিশ্বাস। আমরা এই কথার উপর ঈমান রাখি যে, খোদাতায়লা ব্যতীত কোন মা'বুদ নাই এবং সৈয়াদনা হযরত মোহাম্মদ মোশ্তফা সাল্লাল্লাহু আলাইহে ওয়া সাল্লাম তাঁহার রসূল এবং খাতামুল আন্বিয়া (নবীগণের মোহর)। আমরা ঈমান রাখি যে, ফেরেশতা, হাশর, জান্নাত এবং জাহান্নাম সত্য এবং আমরা ঈমান রাখি যে, কুরআন শরীফে আল্লাহতায়লা যাহা বলিয়াছেন এবং আমাদের নবী সাল্লাল্লাহু আলাইহে ওয়া সাল্লাম হইতে যাহা বর্ণিত হইয়াছে উল্লিখিত বর্ণনানুসারে তাহা যাবতীয় সত্য। আমরা ঈমান রাখি, যে ব্যক্তি এই ইসলামী শরীয়ত হইতে বিন্দু মাত্র কম করে, অথবা যে বিষয়গুলি অবশ্য-করণীয় বলিয়া নির্ধারিত তাহা পরিত্যাগ করে এবং অবৈধ বস্তুকে বৈধ করণের ভিত্তি স্থাপন করে, সে ব্যক্তি বে-ঈমান এবং ইসলাম বিদ্রোহী। আমি আমার জামায়াতকে উপদেশ দিতেছি যে, তাহারা যেন বিশুদ্ধ অন্তরে পবিত্র কলেমা 'লা-ইলাহা ইল্লাল্লাহু মুহাম্মাদুর রাসূলুল্লাহ'-এর উপর ঈমান রাখে এবং এই ঈমান লইয়া মরে। কুরআন শরীফ হইতে যাহাদের সত্যতা প্রমাণিত, এমন সকল নবী (আলাইহে মুস সালাম) এবং কেতাবের উপর ঈমান আনিবে। নামায, রোযা, হজ্জ ও যাকাত এবং এতদ্ব্যতীত খোদাতায়লা এবং তাঁহার রসূল কর্তৃক নির্ধারিত যাবতীয় কর্তব্যসমূহকে প্রকৃতপক্ষে অবশ্য-করণীয় মনে করিয়া এবং যাবতীয় নিষিদ্ধ বিষয়সমূহকে নিষিদ্ধ মনে করিয়া সঠিকভাবে ইসলাম ধর্ম পালন করিবে। মোটকথা, যে সমস্ত বিষয়ের উপর আকিদা ও আমল হিসাবে পূর্ববর্তী বুজুর্গানের 'এজমা' অর্থাৎ সর্ববাদি-সম্মত মত ছিল এবং যে সমস্ত বিষয়কে আহলে সুন্নত জামায়াতের সর্ববাদি-সম্মত মতে ইসলাম নাম দেওয়া হইয়াছে, উহা সর্বতোভাবে মান্য করা অবশ্য কর্তব্য। যে ব্যক্তি উপরোক্ত ধর্মমতের বিরুদ্ধে কোন দোষ আমাদের প্রতি আরোপ করে, সে তাকওয়া এবং স্তূতা বিসর্জন দিয়া আমাদের বিরুদ্ধে মিথ্যা অপবাদ রটনা করে। কিয়ামতের দিন তাহার বিরুদ্ধে আমাদের অভিযোগ থাকিবে যে, কবে সে আমাদের বুক চিরিয়া দেখিয়াছিল যে, আমাদের মতে এই অঙ্গীকার সত্ত্বেও অন্তরে আমরা এই সবার বিরোধী ছিলাম ?

আলা ইন্না লানাতাল্লাহে আলল কাফেরীনা ল মুফতারীয়ীন —  
অর্থাৎ সাবধান, নিশ্চয়ই মিথ্যা রটনাকারী কাফেরদের উপর আল্লাহর অভিশাপ।”

(আইয়ামুস সুলেহ, পৃঃ ৮৬-৮৭)